

Arahan: Jawab semua soalan dalam Bahagian A, Bahagian B, Bahagian C dan satu soalan daripada Bahagian D.

BAHAGIAN A

[25 markah]

- 1 Dalam petikan di bawah ini, terdapat empat kesalahan bahasa. Gariskan empat kesalahan bahasa tersebut dan tulis jawapan yang betul pada ruang jawapan yang disediakan. Anda tidak perlu menyalin petikan itu semula.

Duli Yang Maha Mulia Sultan Kedah berkenan untuk mencemar duli ke Majlis Anugerah Cemerlang SMK Ibrahim. Semua warga sekolah itu teruja amat dengan keberangkatan tiba baginda yang disambut dengan meriah sekali. Semasa berucap, baginda menasihati murid-murid agar bijak memanfaatkan segala kemudahan pendidikan yang kerajaan sediakan bagi meningkatkan kecemerlangan mereka. Mereka juga diseru agar terus gigih menuntut ilmu demi untuk memenuhi aspirasi negara. Sebelum berangkat pulang, baginda beramah mesra dengan para guru dan semua murid-murid sekolah itu.

(i) _____

(ii) _____

(iii) _____

(iv) _____

[8 markah]

- 2 Dalam setiap ayat di bawah terdapat satu kesalahan ejaan. Kenal pasti kesalahan tersebut dan tulis ejaan yang betul pada ruang jawapan yang disediakan. Anda tidak perlu menyalin ayat itu semula.

- (i) Guru mata pelajaran Geografi menyuruh murid-muridnya menyediakan alat tulis yang sesuai untuk memudahkan mereka melukis gambarajah proses pembentukan tasik ladam.

- (ii) Demi kesejahteraan hidup rakyat yang tinggal di kawasan pedalaman, kerajaan sentiasa bersikap prihatin untuk mengambil pendekatan yang pro-aktif dalam menjayakan projek yang dirancang.

- (iii) Dengan menggunakan resepi yang diwarisi sejak turun-temurun, martabak yang dijual di restoran itu amat enak sekali.

[3 markah]